

18685 (202)
894

西華英字典

研精大器年端

盡子海會解水

大清光緒二十一年

光緒庚子六月師涅槃日敬鑄

廬山海會
至善大師

西山翠巖之痛

廬山海印老人年譜

嘉慶二十四年歲次己卯七月二十四日老人降誕於揚州東台縣爲唐氏子父名元初母王氏連生三子均殤於痘母因成疾一日女醫自入其室母謨曰三子俱亡身沾沉疴將不久於人世矣女醫曰觀汝善根可獲麟兒我有靈藥名曰佛金不但延年却病定可產生佳男索火煨驗金光滿堂蓋戊寅四月事也道光甲申師有弟時三歲亦亡于痘師徐發熱卽延醫視之醫曰亦是花痘若非神力恐難保全母歎息因請於父曰四子均亡此子亦難保汝盍捨子出家或

函 / 冊 / 卷 / 號 62402

廬山海會禪寺至善大師年譜

海印表人年譜
蒙佛佑父隨令人同負至觀音堂禮秋水法師爲徒
焚香禱許歸身清涼自是畢生未痘

乙酉始讀書

壬辰年十四歲奉親命隨侍法師遷居甘泉慈蔭菴
法師命名曰海清字至善圓滿僧相授讀華嚴請益
蘊義深契法界法師曰爾與華嚴大法有緣可更名
海印

戊戌春聞母疾回家奉侍精誠祈禱誓除已算以延
母年侍奉月餘母自梳洗執師手曰但願和尚早成
佛果度我生西遂稱佛號安祥而逝

己亥仲秋父養靜於慈蔭菴亦逝冬年滿二十七戒
法於金陵大寶華山體乾昌公大和尚戒壇諸師咸
稱華嚴童子

庚子秋水法師別號一真受如舉定惠寺請主講彌
陀法華師隨侍聽講一年

辛丑隨法師入黃山文殊院習止觀

壬寅夏侍法師遊九華禮黃梅入廬山至歸宗參慈
舟和尚和尚初見謂法師曰此子法季寶筏也仲冬
法師北上

癸卯有善知識授師精持神妙章句慈濟眾生痛苦

海日老人年譜
厄難又有瘵以念佛三昧謂爲末時要徑者師疑團
未決懇禱佛前三卜皆拈念佛三昧師云念佛三昧
合華嚴法我盡形壽修習念佛

甲辰春慈舟和尚付囑衣法

乙巳春叅桐城慈濟寺自省和尚閱藏經三年

戊申禮普陀徧詢知識冬復入廬山

己酉居黃崖石洞面壁三年

咸豐壬子復居歸宗冬受秀峯寺請充戒壇引讚師

癸丑三月師回揚州歸宗諸師相勸不止荷擔竟行
至秀峯門首忽匾擔折斷偶逢和尚迎笑曰廬山苦

薩靈留修行人住卽呼工人負擔入寺遂勉居之

甲寅五老峯前龍雲寺僧別塵仰慕師德請師同居
師未允別塵叩求白石院嵩壁公同至秀峯致意堅
請師至龍雲時值粵寇入境隨俗民衣兵擾年荒常
服麥羹苦菜充饑

丙辰避亂於五老峯頭杜閣寨四面石壁攀繩可上
兼值虫旱恒日爐不生烟鉢不入唇終日危坐旦夕
面壁忽一人負米入寺彼曰我潘解元先珍家工人
我家有一避亂揚州鹽客名鄭小初夜夢神人曰龍
雲寺有肉身菩薩絕糧速疾供饌時諸寺焚燬唯龍

雲獨存

丁巳陳姓書齋諸生因兵亂年荒求仙降筆判曰吾
非神仙乃僧了元即佛印雲遊過此見故友二人龍
雲至別二僧也昔在歸宗共論法華數夜達旦依稀
猶昨日事也幸喜性光未昧仍然清修別塵孝敬克
敦至善抱素養性書贈銘聯聯云西方縱遠心唯徑
苦海無涯善作舟時士民感而皈依者數人擁護山
場松竹重茂居十一年掩關五載

同治壬戌歸宗虛席南康府曾省三太守親履至山請
主歸宗重結蓮社師執意堅辭

癸亥湖彭諸邑兵火橫傷師禮大悲觀音運大悲心
發廣大願哀叩洪慈誓保南九兵不復至山下士民
夢見觀音立洪波中按波使平後不數日兵自消遠
甲子師常書普賢行願品與人勸持求生西方從者
益廣乃募刊流通復刊金剛經沙彌律四分律菩薩
戒經地藏經四十二章經八大人覺經及課誦日用
冬受歸宗請代戒壇尊證阿闍黎
乙丑結廬於五老峯前古華嚴寺基冬受歸宗請代
戒壇教授阿闍黎

丙寅十月初旬茅廬夜坐觀佛光照室茅蓬物件無

海印老人年譜
四
不明見開門仰視光輪如大車輪彩霞更大漸升峯
頂良久乃息冬受歸宗請代戒壇開堂大師

丁卯初夏大風捲去茅蓬山下士民請遷就海會寺
基聚石爲室師愍兵劫數省募常鳴鐘以超度之冬
受菩提寺請代戒壇開堂大師

戊辰冬受歸宗請代戒壇開堂大師

己巳冬受能仁寺請代戒壇開堂大師堂有求戒弟
子法名隆紹廣濟縣人頂禮嘆曰弟子居俗常拘於
冥治罪一日見諸鬼使禮二僧像詢問禮者何師答
曰廬山至善廣濟了塵斯世高僧也適萬杉寺虛席

南康府王小初太守欲親賚書來請師聞之借事往
湖北監鑄鐘事王公專使至爐師執意不允十二月
望旦初度弟子本源字碧蓮

庚午湖口總鎮丁軍門請師主鐘山開法傳戒師曰
山僧慵懶難荷重任力辭之九江道景介臣觀察聞
師賢亦命公子惠倫以師禮之師命法名曰本然居
士冬受菩提寺請代戒壇開堂大師

辛未姑塘魏興林王全澤歐佩棠與僧能安相約入
山依拜門下行至山下離寺二里許三人聞香撲鼻
一僧竟不聞之四人大笑入寺覓之實無香火獨師

海日老人年譜
一人踣跌而坐十月朔旦二度弟子本峯字法樵冬
受歸宗請代戒壇開堂大師暮冬常鳴鐘鑄成重七
千餘斤懸歸宗寺

壬申春景公遷三海關道公子入山告假見師居止
容膝瓶鉢常罄敬供錢六百緡勸修寺及膳養之資
癸酉姑塘弟子王全澤法名本誠居士代景公子修
觀音堂自捐資修呂祖殿姑塘眾弟子送海印重光
匾及長聯九月受萬杉寺請代戒壇開堂大師二十
二日星邑紳耆余竹齋李學裕姜芝柏楊祖章魯璧
寶五人請度弟子比丘尼三日師方允度法名本淨

字休塵

乙亥春度二弟子本昭字鏡峯本彰字曉峯初夏姑
塘弟子南昌魏興林法名本中居士入山請修關房
恭備四緣供師掩關行道十二月朔於歸宗禮懺三
日開鐘師禮佛拈香祝云伏願鐘音相應上窮有頂
之天下極風輪之際聞斯妙音頓獲解脫捨罪福身
咸超極樂再祝云願此鐘聲超法界鐵圍幽閣悉皆
聞聞塵清淨證圓通一切眾生成正覺三祝云聞鐘
聲煩惱輕願成佛度眾生唵伽囉帝耶娑婆訶祝畢
交擊鐘僧接手晝夜恒鳴外置租谷八十三石四斗

七升以作香燈供膳之資初四日回海會入關行道
諭本源等曰一切應緣毋許稟我但踏實勿虛浮本
源等求師開示師曰末法出家當依教修行利人爲
上本源稟欲書華嚴經全部師曰善古德云假使頂
戴經塵劫身爲床座徧三千若不傳法度眾生畢竟
無能報恩者但汝善未廣不若募刊流通則獲經者
多矣本源領悟丙子出山勸請諸善長重鑄華嚴全
部復刊金剛決疑心經直說歸元直指唯心訣心賦
萬善同歸集淨土切要淨土要言等書師校正字句
並續繪華嚴法界等圖以全法彰

丙子魏興林居士建山門客堂及東西寮房

丁丑護關僧元微日禮大悲懺於大士成道先一日
夢神曰明日關內大士當爲汝說神妙章句次日晚
師示元微碧蓮曰今日觀音大士成道滿願之日汝
當學觀音大士發廣大圓滿無碍大悲心昔大士對
佛前發大悲心今日滿願也汝今日若肯發心他日
亦得滿願所願徧法界內尋聲救苦難無刹不現身
不擇冤親平等普度盡未來際永無疲厭梵王問觀
音如何是陀羅尼相貌觀音曰大悲心是平等心是
大士發平等大悲心說陀羅尼是大士心中神妙章

句汝今發平等大悲心誦陀羅尼是汝心中之神妙章句也元微笑曰奇哉昨夜夢一人向我說明日關內大士當爲汝說神妙章句今日果真說也師曰恐汝聞而不信以爲常談也故先爲汝說增汝之深信也汝可發心勉力行之冬十二月碧蓮至廣濟收刊經功德費呂祖祠昌悟師向蓮曰我夜夢數十人扛一大木我問此大木扛至何處眾曰是海會寺寶塔樑我曰是我大師父寶塔樑我亦宜帮忙見所扛樹杪無人扛我卽扛樹杪扛至寺門首見堂殿樓閣極其莊嚴我卽入寺各處觀看自言數年未來寺遽建

造如許堂殿忽憶我扛寶塔樑來不知寶塔修於何處卽見寶塔莊嚴極高我卽仰面讚曰好高寶塔聞一人應曰八萬四千高我卽思曰是我大師父音聲卽見大師父坐在寶塔內兩傍立者三十餘人大約不及四十人見寶塔外人眾極多俄而覺乃一夢也蓮回山將此夢向湖南都戎陳昌運說昌運比卽白師師微笑而已昌運因問昌悟師所夢見不及四十一人師父可知其人數否師答曰三十七人後至戊寅年五月江北眾善士奉乩入山採藥遇呂祖降乩陳昌運將此夢問呂祖寶塔內多少人呂祖判曰大弟

子三十六人寶塔外俱是護法善神汝可發心作大弟子乎即日昌運又問師說三十七人呂祖說三十六人何以不孚師答曰連余合是三十七人乎昌悟師精誠拜華嚴經即前隆紹之師了塵乃隆紹之師祖也是年魏興林居士建東邊屋及倉房

戊寅魏興林居士開築蓮池獻畧竭微忱匾及長聯
己卯二月朔旦師出關居士魏興林懇勤三請闕建堂殿師不允曰世界未甯人心不古能受法束者豈矣居士護法心堅自運大木來山乃構造念佛堂一區四月受歸宗請代戒壇羯磨阿闍黎南康府王鳳

池太守初謁師於歸宗復叅於海會贈心通諸天額并詩

庚辰春王鳳池太守撰師傳率眷屬六人依拜門下法名本福居士仲夏泗州弟子李貫之法名本際同興林居士共獻蓮邦智燭匾並長聯

辛巳魏興林居士建頭山門度弟子本虛字德融是年受江北眾弟子請撰結蓮社疏稿

壬午二月督學使者洪鈞入山叩問壇經宗旨贈楹聯秋奉新許必達大使入山依師同居二月感悟依拜門下法名本安居士魏興林居士修方丈及官客

堂厨房

癸未湖北弟子李源存法名本源修五觀堂富川弟子王鴻元法名本元修華嚴寺眾弟子僉曰堂殿未備儼若大刹五老之秀色彌綯匡廬之真面斯開觀水月之輝光胸懷彭蠡仰峯嵐若靈鷲背依芙蓉蓮池既築昔東林之風在堂殿未週晉法師以重來乃請轉法輪咸推魏居士爲上首焉又與西向納子安單於此共修淨土擇四月八日請師開堂導眾念佛觀想彌陀二月植紅蓮一枝六月開白蓮三朶其紅本單葉轉白重瓣葉邊均飾赤金一線前植數年紅

端陽花亦轉白色作白蓮之先導本山諸寺公贈白蓮重開額并序正所謂有情無情同圓種智也仲秋福建王仁堪謝章鋌同入山詢訪

甲申冬受魏居士請於十月十八日開堂傳戒十一月十二日居士請假師曰候十八日圓滿可歸去居士曰已事未辦不能候滿十七日居士語家屬曰明日師父圓滿我就圓滿去十八夜居士無疾而逝師曰法筵主席本非吾願因魏居士之誠十年佈金萬餘今叢林規章已立居士已去當付供十方僧眾不沒眾居士之善德也擇十二月八日傳付堂主清虛

和尙領眾行道九江眾弟子恭頌萬行圓修匾并長
聯南康眾弟子恭頌曇花復現匾并長聯度弟子四
人本澄字淨如本宜字顯理本信字德圓本素字靜
齋

乙酉春仍掩關立寸香齋嘉客相見非道不語以寸
香爲度復掩關三年夏白鹿書院主講福建謝章鋌
撰退院誌奉新許必達入山見寺無恒產難供雲厨
捐金二千一百緡購租穀四百石外眾善士相續共
置租穀亦四百餘石

戊子四月八日以衣法付囑豫章新圓通化壽和尙

仲秋星邑弟子裴元建退隱堂恭頌永請住世額并
壽聯

己丑春星邑弟子裴飛雲建章天殿冬受能仁寺請
代戒壇羯磨阿闍黎

庚寅春南康府王延長太守與宋輝漢明府偕高麗
貢使趙玉坡入山謁訪趙玉坡題贈第一名寺額又
贈聽海會鐘四字額并楹聯

四月八日傳授覺光和尙衣法卽主席領眾仲秋南
康都戎高同科贈興山明慧額

辛卯仲秋河督吳大澂入山謁訪贈詩並楹聯

壬辰初夏白鹿書院主講華祝三方伯南康府王延
長太守教諭饒樹榮學博三儒一僧盤桓於石坐對
五老怡情暢飲華曰四老飲於下五老立雲窺之今
日天然九老勝似昔日香山故事也卽更顏退隱堂
曰天人九老堂

秋有袁公者入山見大殿乏木喜助成之師勸眾弟
子各植德本隨力助修大殿及佛像普賢文殊二大
菩薩

癸巳春本源奉師命住西山翠巖寺

甲午冬受歸宗請代戒壇羯磨阿闍黎師自維揚來

匡廬與白石嵩公爲心契之友師語嵩公曰自昔匡
廬秀甲江右名儒僧道多隱居焉今華夷雜處漸成
坦途我等曷遷居乎

丙申秋九月師語眾曰前與白石翁言遷山居不意
去歲嵩公八十善逝余今往豫章過西山看圓通寺
可安卽安別眾由康郡至圓通侍者徒孫朗念攜程
資十二元

丁酉春月初十日至翠巖寺見山水迴環面如平掌
背聳鐘鼓石孤峯迥出高插雲霄叩之有金革之聲
北有烏晶西有洪崖紫極宮諸道院東源清溪出花

橋繞鉢峯石屏滙洪井之流過鼓山出蟠龍外有章
江之砥柱謂本源曰此卽老人休歇處也每日靜坐
默默悲願雙運空有俱泯自在觀音

戊戌六月初九日度弟子本然字瑞蓮午齋後言身
却少安悲念時疫之盛兼魍魎爲殃身雖有疾默念
觀音聖號不絕祈人民清吉甘霖普降十五日諭徒
眾曰寧取信佛說勿信言玄妙末時修道以培福爲
先惜福爲要發菩提心爲資糧禮佛懺悔爲助道普
賢行願爲舟航善結眾緣爲珍載苟能如是不愧吾
門也 叩問 師曰若論最上乘一念不生萬行圓修是

則名爲菩提薩埵如龍王宮密藏珍寶今日發露光

含大千

良久

處默華藏觀音極樂二十六日以手摸

頂云煩惱殼若出煩惱殼方可得安樂二十七日己
酉酉時端坐而逝哀哉我師照世間燈滅何速矣船
艚無人何日來乎幻緣事畢蓮筏裝滿竟捨我等歸
去也剃度弟子三十六人皈依善士五千人具共七
眾弟子二萬人俱我師平日恒書行願品彌陀像其
餘筆墨置之高閣逢請益者善言引誘指歸極樂常
援十地聖人不離念佛爲證凡請秉拂上堂等緣師
俱言不可輕學恐難遇值百丈耳師素誠我輩貴真

修實行勿華飾顯異故多他緣不具記錄翹勤泣頌	如來出世	為一大事	開生知見	示平等相
今我大師	為如來使	順佛化義	導引蓮域	
應身順世	降跡維揚	初契大乘	年滿具足	
三十面壁	頭陀崖栖	四十避亂	麥養民衣	
兵燹無害	饑寒無知	三請不出	一行精持	
五十卜居	東茅蓋頂	櫺月為燈	明星頓悟	
六十結社	續東林風	七十退居	堂顏九老	
八十遷讓	泛舟豫章	法隱洪崖	炬照西江	
唱道匡南	二寺鐘鳴	七眾心依	萬指圍繞	

至公至公 苦海舟航 一真妙諦 海印重光

慈舟載滿 同歸寂光

西山翠巖寺弟子本源浣筆敬書

塔山未卜塔銘後求

名賢撰

海印老八年譜

四

